

Oqaasiliortut juunip 1-anni 2004, nal. 10.00 Oqaasileriffimmi ataatsimiinnerannit imaqarniliaq.

Peqataasut: Carl Chr.Olsen, Stephen Heilmann, Nuka Møller, Ellen Jensen, Liisi Egede Hegelund.

Allatsigalugu: Pia N. Knudsen.

Oqaluuserisassat:


1. Ilisimatitsissutit
2. Kingullermik ataatsimiinnermit imaqarniliaq
3. Allagartalersuutit KANUKOKA aamma Securitas
4. Børneporno
5. Nordisk Sprog møde Tórshavnimi
6. Taasariaqartut allat

-1 pillugu-

CCO: Nordisk Sprogkonventionip suliaq naammassivaa, tamanna pillugu Oqaasiliortut sinnerlugit CCO-p Namminersornerullutik Oqartussat ilisimatippai naammassinnineq akueralugu atsiorluni.

CCO: Ole Greisen nakorsat atugassaannik atuagaaqqamik saqqummersitsisima-voq, ataaseq Oqaasileriffimmut nassiuppa.

CCO: Oqaasileriffik Namminersornerullutik Oqartussanut allagaqarnikuuvoq Sektorforsknings institutitut inissinneqarnissaq piumasaralugu.



Finanslovimut oqaasertassat inissinneqareerput aappaanili aatsaat inatsisiliuun-
neqassaaq.

-2 pillugu-

Kingullermik ataatsimiinnermit imaqarniliaq akuerineqarpoq.

-3 pillugu-

KANUKOKA-p aamma Securitasip allagartalersuutit suliarititaat Oqaasiliortunit
suliarineqareernikut SH-p aamma NM-p misissoreerunikkit oqarasuaatikkut
Oqaasileriffimmut saaffiginnissutigissavaat.

-4 pillugu-

Børneporno Oqaasiliortunit *Meeqqanik kanngunartuliorneq*-mik kalaallisut taane-
qartassasoq aalajangerpaat.


-5 pillugu-

Nordisk Sprogmodimut Tórshavnimi aggustip naalernerani pisussami Stephen
Heilmann CCO-mut sinniissutut aamma Liisi Egede Hegelund Oqaasiliortunit
peqataassapput. Pia N Knudsenip Nordens Sprogrådimumut aamma Tórshavnimumut
taakku nalunaarutigissavai.

-6 pillugu-

CCO: Atuarfinni oqaatsit atorineqartut EJ-p allattugai Oqaasileriffimmut nas-
siunneqarsinnaanersut ”oqaatsinik katersat”-llu ilanngunneqarsinnaanersut
CCO-p EJ-mut apequtigai.

EJ: Nassiunneqassasut EJ-p oqaatigaa.



LEH: Oqaasiliortut radiokkut nuimanagerulernissaat kissaatigaa, ullaap tungaani aallakaatinneqartartumi Oqaasiliortut eqqaaneqartarnerat tusarnallattaasarlugu LEH oqarpoq.

Radiukkut aallakaatitami peqataasarsinnaaneq eqqaavaa Oqaasiliortullu suliaasa saqqummiussuunnissaat siunnersuutigaa.

CCO: Oqaasiliortut radiukkut aallakaatitsisalernissaannut pilersaarut ingerlavoq naatsorsuutigineqarporlu septembarimi aallakaatitsinermi Oqaasiliortut peqataatinneqarumaartut. Aamma oqaatigai taaguusersuutit assigiinngitsut nittartakkami saqqummersussat inuit nittartakkamik atuisartut atoriaannaagaat.

Tulliani ataatsimiinnissaq pissaaq juunip 15-anni 2004, nal.10.00 Oqaasileriffimmi.

Carl Chr. Olsen
Siulittaasoq

Pia N. Knudsen
Allatsi